

野史


八十五

第二百五十五卷 儒林列傳
 山崎敬義 貝原篤信 後藤 達
 第二百五十六卷 儒林列傳
 中江 原 熊澤了分
 第二百五十七卷 儒林列傳
 伊藤維楨
 第二百五十八卷 儒林列傳
 江村宗具 木下貞幹 室 直清
 北村可昌 並河 亮

庫	文	閣	内
二九	一〇二四		和
一〇	一〇		書
架	冊	號	類

和書 一〇二四號

内閣文庫	
番號	和 10214
冊數	100(85)
函號	269 36





野史卷二百五十五
 儒林列傳第五

野史卷二百五十五

飯田忠彦 修
 男 文彦 訓點
 竹中邦香 校

山碕敬義 淺見安正 佐藤直方

貝原篤信

後藤達

山碕敬義。小字長吉。後改清兵衛。又更嘉右衛門。號
 關齋。後號垂加。其先播磨宍粟郡山碕人。曾祖曰淨
 榮。祖曰淨泉。淨泉初稱久四郎。出仕肥後守木下家

野史卷二百五十五

定命改又左衛門。父曰淨因。仕木下氏後。去寓京師。以針醫爲業。母某氏欲得男子。詣比叡坂本禱請焉。其夜夢拜兩社前。有一老人。授一枝梅花。戴之納左袖中。遂孕。生敬義。山碓家譜、水足安敬義生而敏捷。穎悟。不比常兒。八歲能背誦法華。一日書一句云。花成枯木雪。極有風致。人皆異之。實。成童爲僧。專修禪學。嘗與妙心寺同侶論議。敬義語塞。其夜及寢。燬同侶紙帳。衆議欲逐卻。會上州山內氏子爲僧。在妙心寺。聰明有藻鑑。曰。此兒神姿非凡。他日有爲。乃送土佐。寓吸江寺。稱絕藏主。

○今按山碓家譜。寬永六年。歲十二。父命呼清兵衛。正保三年春。以父命復本氏。以嘉右衛門爲稱。呼。不詳爲僧年月。

初父淨因自少藏古筆三社託宣一幅。而其性正直。將展拜。必盥漱。袴掛之。敬義幼或觸之。怒而叱之。敬義亦能誦之。母氏性嚴寡言。飲食有節。嘗謂之曰。諺有之。身一錢。目百貫。汝善習字而勿傷目。不識字則同無目者。夫有手而無目。不能執物。有足而無目。不能行路。有書而無目。不能讀之。有目而不識字。亦不能讀書。則貿貿然莫知所向。豈不與無目者同與。目

百貫之言。宜銘焉。家素窮困。兒輩皆穉。養老育幼。處置莫弗至矣。如兒曹怠慢遊戲。縱飲食則猛加呵嘖。常誠言。鷹饑不啄穗。士人之子。宜尙志矣。家講一日在佛堂看經。獨自絕倒。師駭問之。曰。嗚呼。釋迦那說許空誕。諸家物志人性勵負才放恣。以爲人皆在己之下。乃不受人之指導。人亦無有教之者。時輩作詩。所謂二四不同。二六對。黑白圈序平仄。互相傳示。藏主憤其不傳。謂之曰。我師李杜蘇黃也。其用平處。我亦用之。其用仄處。我亦用之。如此而足矣。何檢黑白星之爲。

植田成章批說

○今按芝山遺稿。水足安直記行實云。謁谷時中。讀四書五經。又從野中兼山。而切磋研窮。寬永十九年。歲二十五。一日幡然曰。綱常倫理之外。別立教說道。豈正理哉。獲罪於天之大者必矣。遂歸儒。

○安直記行實云。正保三年。以父命復本氏。著關異一卷。以發其志。時年三十。專攻程朱之學。以居敬窮理爲學問之要矣。○紳書云。敬義年弱在寺。野本安房視之大學。受誦而曰。有小學者矣。安房求得。令誦之。於是發憤歸儒云。

土佐守護山内氏患敬義攘斥佛。欲逐之。野中兼山諫曰。彼其志正大。其學純粹。真儒也。何爲逐之。守護不聽。敬義遂還于京師。

○按行實。芝山遺稿並云。敬義還京師。無所依歸。兼山恤之。買宅於京師。居之。餽粟給薪。以資焉。又令書生都養受業。後書生過去者數人。兼山在土佐聞之。不憚。遂絕交。考成章批說云。兼山絕交事未詳。敬義常示云。說朋友之過惡。欲使之改其非也。絕交之後。舉其過惡者。君子所戒也。然則敬義於兼山。絕交後無一言者。可知矣。

慶長三年秋。造祖先木主。爾時淨因謂之曰。前夜夢有神告云。自今而後。呼汝忠平。敬義亦夢幽都明都。幽明室七字。雖不知其義所在。蓋孝感所致也。敬義事父母孝。愛敬竭力。餘愛施及一家。正保中。編次周子。謂朱子解太極圖說。於理則然。但未知周子本意果如此否。慶安四年夏。夢寐之間。髣髴見周先生。敬義乃問曰。朱解合尊意乎。曰。合。敬義曰。點于第一圈中。無乃乖意歟。濂溪領之而覺矣。明曆元年春。始開常講。小學。次近思錄。次自四書及程子易傳。家講。行實。平日告門人曰。我身卽敬。敬以直內。義以方外。內者身

也。外者人也。敬合內外之道也。又曰。聖遠樂亾。禮記雖存。壞亂亦甚矣。幸朱先生出。易也詩也。明本義。攻未矣。書令蔡仲默傳之。欲修禮樂而未成。然黃直卿續儀禮經傳。蔡孝通著律呂新書。春秋爲未學而不下筆。寓其徵意於通鑑綱目。四書之解。小學之書。發明真切。無復遺蘊。朱子實孔子後一人也。善學者由小學進大學。而盡論孟之精微。則六經不治而明矣。行三年正月。將起大和鑑筆。人日詣藤森祠。作詩云。親王強識出群倫。端拜廟前感慨頻。渺遠難知神代卷。心誠求去豈無因。家譜萬治元年春。遊江府。爲美作

守加藤泰義館客。又至於河內守井上正利。講學有日矣。家譜

○近世叢語云。敬義在江府也。寒窶如洗。隣居書賈某借閱其書。當是時。河內守井上正利好學下士。書賈某數得見之。一日正利言曰。我欲學。汝之相識。有足爲師者請介之。對曰。頃有一儒生山碕嘉。自京師來。住僕東隣。觀其所以超人。閣下而召之。則豈不荅恩乎。正利大喜。乃延致。某歸告。敬義毅然曰。侯如欲問道。則宜先來見。某愕然。以爲措大不通時務。若薦斯人。必陵上累自及。不若無薦

也。他日正利問曰。先生如何。某以狀報。正利咨嗟良久曰。今時自稱師儒者多。無意修道。東奔西走。欲其技易售。我聞之。禮聞來學。不聞往教。先生能守之。此乃真儒也。即日命駕訪焉。

寬文五年春。應左近衛權中將保科正之之聘。往講經義。正之禮待太渥。以國字解經。精微析毫。諳史書若干萬言。極便給。善荅問。如鐘從撞發響。有門人子弟通業者。有君長士夫進塗者。正之撰玉講附錄。三子傳心錄。二程治教錄。社倉法等。但主總裁。敬義纂輯焉。山行實稿、芝十一年冬。得吉田道神道傳。行實家譜、敬義

爲人豪邁。氣質極急。刻苦勉勵。不敢少懈。其待人甚嚴。無有物時。好收人情之意見。門人惰業差行。則痛責之。而不假。或至絕交。史氏備考、佐藤直方討論筆記、及晚年稍寬以恕待人云。改點修正之經。抄錄拔萃之書。悉行于世。推覈六經四子之義。研窮廉洛關閩之書。辨諸儒之得失。闢異端之訛謬。明天理。正人心。學業之大。孰有加於此哉。實、東遊十數次。詣太神宮者數。或詣多賀社。或詣八幡祠。天和二年九月。疾沒。年六十五。行實、

○今按史氏備考交載關齋家譜。大高季明關齋

傳。清處士論。佐藤直方討論筆記。韞藏錄。水足安
直闇齋行實。植田成章批論等。其說不一。俟後訂。
敬義強記。一日方浴。門人執巾救之。偶談及梅花。敬
義乃誦古人梅花詩而徵之。至五十四首。或時正之
問曰。先生有樂乎。荅曰。臣有三樂焉。凡天地之間。有
生者何限。而得爲萬物之靈。一樂也。天地之間。一治
一亂。無定數。而產右文之世。讀書學道。得與古之聖
賢。把臂于一堂上。二樂也。正之曰。二樂旣得聞之。請
更聞其一。曰。其一大樂。而所以難言者。言之。君侯
必不信。以爲誹謗。正之曰。寡人雖不肖。奉先生之教。

渴聞忠言。何爲至今不終之乎。敬義乃曰。幸生於卑
賤。不生於侯家。是也。曰。敢問何謂。曰。今之諸侯。皆生
乎深室之中。長於婦女之手。不學無術。徇聲色。耽遊
戲。而爲之臣者。迎合主意。無致匡救之道者。遂令智
寶日塞。本性梏亡。視我輩卑賤之幼嘗辛苦。長習事
務。師教友輔。以益其智慮者。爲何如也。是臣所以爲
一大樂也。正之茫然自失。嘆曰。寡人何聞之晚矣。叢語
一說爲會津儒員小櫃與五右衛門之言。
淺見安正。初名順良。號綱齋。近江高島人。徙家京師。
父本豪富。有三子。伯道微。仲乃安正。俱業醫。叔稱吉

兵衛爲賈人。父欲使伯仲有名。破家產而資焉。安正有宏度。一見闡齋。欣然心服。遂改業爲儒。治程朱學。砥行植節。社中無出其右者。闡齋倡神道。弟子翕然風靡。而守舊不動者。安正及佐藤直方。三宅尙齋數子耳。安正爲人嚴毅有威。不求聞達。安於貧窶。泊然自樂。晚年住錦小路。生徒大進。其說書也。聲音朗喩。一坐肅然。屏氣竦聽。無敢噓咳欠伸者。每一截一章畢。謂曰。理會去否。僉稽首曰。唯。儀矩森嚴。如入府署。安正講習自娛。雖甚貧。不欲仕。足不踐東土也。門人三宅觀瀾。出仕水戶。安正以爲其志非行道。卽贈書

絕之。其著靖獻遺言。有意所寓。至其梓之。會父死。乃歎曰。先君常恨吾不爲世用。今也是書將播海內。先君而見之。其喜必不細矣。因泣下。弟吉兵衛爲人。慳無斷。雖家業營治。憑安正焉。繼母老病。安正每宵往省之。視其衣褥。節其飲食。一日無怠矣。鄉黨稱其孝。以正德元年歿。年六十。養兄道徹子爲嗣。安正論談有理致。嘗解志字曰。雁腐爲蛆。猶北飛。此謂之志。所著靖獻遺言。聖學講義。精一集說。明德說。論性諸說。氏族辨正。忠士筆記。敬義內外說等書。有十餘種。叢語。佐藤直方。備後人。年二十一。如京師。介永田養庵。見

閣齋。閣齋教弟子。極嚴。直方事之不惰。遂能得其旨。後徙居江府。性高邁逸宕。皓齒玲玲。眼彩射人。有口才。遊諸侯間。雄辯懸河。譬喻如涌。一坐傾聽。平居自奉豐麗。日飲醇酒。快活脫洒。無有戚容。初承父職。仕結城。受俸五十口。元祿六年。乞休致。明年左近衛權少將酒井忠舉延爲師。年餽百金。乃處其邸者二紀。然以道不合遂辭之。時年六十九。左近衛權中將井伊直該聘之。禮遇甚隆。抗禮于庭。固辭不敢當。唯乘轎。直到廳曰。敢從命之辱。老父或顛躓。恐煩有司。嘗從容謂其老曰。凡天下之事。無坐而知者。是以求師

受業。琢磨浸灌。以得其道。有不據於古。不學於師。而能得道理者。我未聞之也。然而今世人未學而服官政。取諸臆以行事。夫政之不善。爲黎民之害。貽患於後世者。益有焉。可不省乎。諸老以爲大然矣。直方不設儀矩。師弟之際。禮法太簡。嘗言吾爲逐臭者。講說書籍。與之爲友耳。今之學者。多不信其師。獨師自尊大。甚可笑也。享祿四年。歲七十而歿。著四書便講。講學鞭策錄。大學全蒙釋言。鬼神論集說。排釋錄。直方放達不拘。在兵部少輔增山正任講筵。卒然起出書院側。振衣云蚤蚤。又雖在公侯坐。每談話移時。不復

端坐。嘗謂人曰。歌業最妙。善蔽盤坐。又居江府。隣里失火。門人來救。直方烹粥勞之。一生問著清潔否。叱曰。蒼皇中曷有此汰侈。子不可入堯舜之道。語、直方居八町堀。家極貧。更不以爲意。淡然益切磋。會津老某就學。意欲拯其貧。懷金百鎰來語。辭氣容貌。安清貧。唯在好學樂道。更無有餘情。某意愧。不能發言。空懷金歸。他日復來。總三回。終不能言。山碕閣齋聞之。曰。設令雖百回也。不可有發期矣。閣齋漫錄。有子。名就正。繼業。叢語

三宅重固。字丹治。號尙齋。播磨人。父重直爲人後。冒

平手氏。重固幼時從其族。祝髮學醫術。父命之也。成童喪父。十九而從閣齋。專攻儒道。於是種髮。始復本姓。後適江府。教授生徒。遂應侍從阿部正武辟。元祿中。常憲公臨正武之邸。命重固講論語。乃賜衣服。重固忠直務盡其誠。居十年。爲適子之傳。以言不行。託疾乞致仕。不允。數乞而不止。○按崎人傳云。適子潛遊花街。重固憂之。屢諫不聽。近臣二人。重固門人亦俱諫。不聽。終乞命。於是患重固亦亾命。因禁錮之。以是得罪。寶永四年。幽于忍城。友人三輪執齋。細井

廣澤等憫之。請宥不得。語叢重固氣象豪雄。忍將自盡。謂無益矣。古聖賢當厄。或者述我亦倣之。乞紙筆。不許。偶得折釘。請守者曰。爲風寒所侵。不堪鼻涕。守者憫與紙。乃以釘傷四肢。以血換墨。嚙鼓屑爲筆。草易說三百帖。時人傳在囹圄。每旦請水。洗浴。布袍綻裂。則撚紙縷補綴之。食後必匝圍中數百回。約凡一里。精神不減。平素。佐吏巡警視之。誠守者莫怠。重固聞恐曰。丈夫一縷以縛之。義不敢脫。余所以然者。獨懼懼脚疾。膝行就戮。爲人取笑。故爾云。阿部氏遣人察之。重固賦詩曰。富貴壽夭不二心。但向面前養誠心。四

十餘年學何事。笑坐獄中鐵石心。越三年。會赦。如京師。叢語獨錮都府。京師大坂居住。更族吉田。名尙齋。潛居講業。後禁解。復族。嘗欲某宅。或止之曰。有妖怪。重固不聽。遂住。無復有異。時人傳搢紳列侯。縱游甚多。土佐守護山內氏請爲師。招之江府。居僅半期。其老山內矩重死。爲重固知己。於是辭歸京師。晚年復之江府。阿部氏延而見之。道往事。嘆其忠直。重固學規極嚴。而遇弟子甚厚。情款相盡焉。初學闇齋者三年。闇齋歿。折衷於直方。綱齋二子。以友誼待之。互相切劘。遂得山碕門三傑之稱。寬保中年。八十餘而歿。門人哭

泣。如喪考妣云。所著祭祀來格說。狼戾。白雀。四書筆記等。有子。曰重德。字一平。英敏好學。年三十一。先死。

貝原篤信。字子誠。號益軒。筑前人也。世臣筑前守護黑田氏。學宗洛閩。博覽強記。無不窮綜。而謙挹不以辨博自高。平居深自韜晦。令譽日隆。嘗謂曰。予亾逾人者。獨恭默思道。其好著書。以利人濟物為要。其所撰著。不為名。務益後人。乃至家範鄉訓樹藝製造養生等。懇懇唯務。輕俊之徒。輕其學。而有補益于世者。為不渺矣。好遊。探討勝地名區。足迹幾遍天下。皆詳

記行程勝迹。以便行旅。又喜修養。既老。矍鑠不衰。尚不廢著述。歷事三世。禮遇優渥。累加食祿。元祿十三年。乞骸骨。老于京師。嘗與五井持軒書曰。僕年既踰八十。而文字結習。未能解去。每宵讀書。尚至夜半。性雖陋劣也。近日寢得見解。吾子有意乎討論。則時見寄書。其精力老而不棄。可以見焉。嘗疑程朱之說。著大疑錄。然不自立己說。唯疑而已。篤信素好和歌。而不好詩。謂曰。和歌者我邦俗所宜。詞意易通曉。故古人詠極妙絕。古昔雖婦女。亦善之者多矣。詩者非我風土所宜。詞韻自別。乃雖名家風調。比和歌劣者遠

矣。宜_下以和歌述其志。不要作詩以招諗癡符之謂。正德四年。年八十五而歿。嘗自京師歸。船中數人。互不識名。喋喋相語。一少年意氣傲然。鼓舌談經義。篤信沉默竦聽。如不知字者。既而達岸。舟師使各人記姓名鄉里。少年始知為益軒。愜然不自容。不告其名。去所著慎思錄。初學知要。自娛集。近思錄備考。筑前風土紀。大和本草等。凡十有餘種。叢語篤信書法端莊有度。老而不衰。伊藤東齋題書篤信如京師。途過湊川。見田間有一小阜。問耕夫。夫荅曰。楠正成遺塚。不覺淚下。慨然而謂。胡莫一片石記美事。是夜宿兵庫驛。逆旅主

人。福岡運穀通賈也。篤信與主人某語。及湊川事。以說其意。某怡然曰。願先生作碑文。賤子建礎石矣。篤信至京師。作碑銘文。歸途託某。某大悅。相約去。而後篤信投書。某閱之曰。返與銘案云。某危疑。應其旨。以竣再信。無幾篤信贈書曰。我嘗閱見遺址。欲傳美事于碑銘。再考楠公忠精亘千古。與日月爭光。如我礎礫書生。以野文表之。可謂不知己分也。意酷愧之。全身汗流。故止焉。福岡藩村山退齋語以兄子重春為嗣。篤信父利貞。號寬齋。兄樂軒。號存齋。皆好學。妻江碕氏。名初字得生。號東軒。才德並全。治經通史。善爛文墨。工作

隸書。又詠和歌。常從篤信。遊歷勝區。篤信著遊記。實有內助云。伊藤東涯贊之曰。躬孟光之賢。而兼衛氏之筆。篤信初養存齋長子好古爲子。好古號耻軒。博雅類益軒。先歿。叢語後藤達。字有成。號良山。一號養菴。江府人。少而好學。遊于林氏之門。專攻經義。事父母。盡忻懼。其所欲爲。未嘗不爲如意。江府屢火。父光長之居。十一年間七燬。家財蕩盡。光長曰。周章急奔。心不暫安。與進取富貴。興復家道。不如西徙京師。安貧以終身。達乃奉父母。遷住京師。供職養志。雖家道甚窘。未曾使知匱乏。

嘗慨然歎曰。我爲儒乎。難上仁齋。爲僧乎。難兄隱元。無已則醫乎。乃就親舊。借錢一緡。執謁於名護屋玄醫。玄醫以菲費不合家規。不見之。達憤懣填膺。將出門。罵曰。玄醫鼠輩。不知人。乃自奮。勤勉以醫爲業。遂爲古醫道之祖矣。二十年間。術盛行。名聲藉甚。請診求療者不斷。弟子受業者。凡二百餘人。先是醫流概剃髮著僧衣。拜僧官。達深惡之。不拜僧官。幡然束髮。改稱左一郎。有識見者。多慕其風儀。漸向正俗。達療疾。務在實詣。久疑宋明醫流曰。補之空論。一旦開語。乃掃衆說。立一家言曰。太平百年。游惰之久。腹裏悉

結癥。病而生諸疾。治宜灸。灼艾動至數萬。救急享屯者。莫如熊膽。經澁血瘀。久滯深固者。須浴溫泉。求活暢血精虛乏。用肉食助溫養。外犯邪氣。用藥石爲主。蓋百病生于一氣之留滯。宜以順氣爲治療之綱要。其說的實明白矣。初年四十三。丁父喪。號慟擗踊。暈絕而蘇。三日不食。三旬廬墓。三年寢苦枕塊。不飲酒。食肉。毀瘠稱禮。朝夕奠必泣下。服竟之後。每旦點燈焚香。悲慕流涕。家事小大出入吉凶。必告必報。如事生然。其在佗邦。遙拜祠堂。臨寢問方。不以刀刃若脚脛嚮之。及年七十。猶且不遺。親良至必泣。晚年好行

遊。登山探幽。跋涉怡心。甚愛草木。弄花察根。欲充實用。不好著書。唯有熊膽蕃椒灸說數篇耳。享保十八年。歲七十五而歿。子四人。曰存。曰省。曰直。曰督。省字仲介。慧敏好學。家聲益振云。叢語、

野史卷二百五十五終

[Faded text in the right-hand page, likely bleed-through from the reverse side.]

野史卷二百五十六

儒林列傳第六

中江原

熊澤了介

中江原。字惟命。稱與右衛門。近江高島郡小川邑人也。初產于藤樹下。後常講學於藤樹下。門弟子因稱藤樹先生。又夢有人授光嘿軒字。省光號嘿軒。又頤軒。幼而不群。夙失怙。甫九歲。祖父吉長仕加藤氏。欲

飯田忠彦 修
男 文彦 訓點
竹中邦香 校

以原爲嗣。携歸伯耆。吉長自悔盲文筆。勉令原學之。出羽守加藤泰興徙封于伊豫大洲。原十歲。從吉長移焉。十一歲。讀大學自天子以至於庶人。一是皆以脩身爲本。大嘆悟曰。幸此經之存于今也。聖人豈不可學而至焉乎。語。十三歲。從吉長擊賊。少無懼色。意氣凜然。加成人。雖一物遺受必慎。每喫一飯。必思君父之恩惠。十七歲。有禪衲自京師來。講論語。當時士風專武。以文爲孱弱。莫聽之者。原獨往聽。衲未卒業而還。爾後原憂無師友。購四書大全。夜竊熟讀。每以二十帖爲課。晝則與諸士談武。避衆毀也。困學經年。

以經學爲任。常以母在鄉里爲念。乞暇歸省。將携往大洲。母氏不欲航海而遠徙他邦。於是請致仕。言誓不事二君。泰興愛其才。弗聽。是歲十月。終逃。時年二十七也。臨去。散儲蓄於僚友。使償其負債。至近江則僅餘三百錢。僕某多年役仕。原憐之。割二百與之。令去。僕感謝。請與艱難。原強遣之。後鬻佩刀。得銀十枚。以購米穀。借諸人收息。其息極微。以故人待債而必償焉。初原信朱學。專課門人。以小學近思錄。門人多泥朱說。不能長進。旣而讀陽明全書。大善其說。誠弟子曰。雖窮理之志。與名利之志。不可同日語。至夫

真性活潑之妙則均矣。宜脫格套照自己本心。弟子大悟。又謂曰。我嘗贈山田氏。以三綱領之解。其至善解曰。事善而心不善者非至善。心善而事不善者亦非至善也。是時我未免支離之病。乃誤解若斯。弟子曰。覺親切明當。何以爲支離。曰。事出於心。事心豈有二與。未有心善而事不善者也。曰。如狂者。心過古人。然行不及古人。如鄉原。事似君子。而其心小人。是分明不心與事貳乎。曰。狂者未至中庸。所以行不及古人。鄉原以媚世。陽模君子耳。事出功利。惡得善心。然爾或言大矣哉。此道盜亦得之爲功。先入者勇也。後

出者義也。均分者仁也。不得斯三者。則不能爲大盜。是說可笑亦可悲矣。旣而專講明孝經。揭出愛敬二字。令體認曰。愛敬於心。猶水就濕。火就燥。各人深習氣。陷格套。蔽心體靈明。然愛親敬兄之心。何曾滅息。有時發見。乃認此心。而存養不失。則聖人之心也。大學啓蒙。孝經啓蒙。藤樹規。及學舍坐右銘。原人持敬圖說。更有數著。後皆欲改作之。而多病不果業。論語說及先進二三章而止。今傳者尠矣。書賈其竊刻其草翁問荅。原聞之。以爲前著。召賈碎之。賈歎其費。乃爲償之。以所著鑑草授之。爲大野了佐著醫筌。初了

佐以厭武弁。請原欲逃醫。原憐其志。令讀大成論。而僅二三句。教之二百遍。食頃卽忘。復來誦百餘遍。始記。後終以醫養數口。可以見其不倦之實。嘗語人曰。予爲了佐。殆竭精氣。然非彼刻苦勉勵。我亦安得竭之乎。雖愚鈍如彼。勉勵之功如此。况不了佐者。可以知矣。又爲山田森村二醫生。著小醫南針。神方寄術。慶安元年八月病歿。年四十一。藤樹行狀、崎人傳、惟命恒患痰咳。每疾累數枕而臥。從愈去之。病革時。母問之。惟命懼母之憂。力疾手自去一枕曰。小愈。母曰。然則不日必起。悅而出。惟命乃死。續叢爲人溫厚。帥人以躬。

人無賢愚。皆服其德。莫不興起于善。雖旅舍茗肆。有客所遺物。則必置之閣上。以俟遺者之復來。歷年之後。塵埃盈滿。竟不收用。嘗往京師。行路轎中。說心學。昇夫感動流涕。其德之薰人。此類也。故一時稱曰近江聖人。叢久世氏領邑。有不賴徒。揮刃據空屋。捕吏及門。不能入。唯合圍喧囂耳。惟命會寓同邑。過其門。聞狀。請捕吏解佩刀而入。惡徒殺氣爲之挫折。不能挑爭。收刃與惟命偕出。惟命說捕吏制暴。惡徒束手受縛。翁有三子。以熊澤氏之故。皆仕備前。長曰宣伯。稱太右衛門。溫厚明敏。能類父。因病致仕。死于家。次

某。字藤之丞。亦以病致仕。死于京師。季某。字彌二郎。亦復以病辭歸國。後寓京師。更稱江西久內。病死。私諡曰常省。門人應備前之辟者數輩。熊澤了介其一也。藤樹行狀、崎人傳、熊澤了介。字伯繼。幼名次郎八。其先尾張人。父曰野尻一利。初仕加藤嘉明。後去寓京師。娶熊澤氏。生了介。外祖父守久養爲嗣。因冒熊澤氏。菱川實述、了介傳、守久稱半右衛門。其父字平三郎。亦尾張人。仕東照公。死于味方原。守久初事柴田勝家。勝家亡而後。委贄福島正則。爲步卒隊長。正則謫河中島。其臣多逃。止者

守久等七人而已。正則感嗟。憾初不識其人。正則歿。而仕水戶威公子。叢語、寬永十一年。了介年十六。周防守板倉重宗。薦之備前池田光政。召授月俸。眷遇日渥。或問光政曰。熊豎子果有異耶。對曰。彼待於我。儀容嚴肅。未嘗懈怠。使人自敬之。是爲異耳。十四年。島原賊起。光政受命。至自江府。治兵以備應援。於是了介年十八。以未元服。留江府邸。了介乃自剃額髮。潛詣岡山。以干軍律獲罪。是役也。一利隸鍋島勝茂。攻城先登。中砲。其人肩之而退。十五年。光政命長臣某曰。了介俊秀。必爲偉器。從今宜使階列政堂。聞于事

體。後來有裨於國矣。因議增俸。某乃召了介告之。了介退而窮思。長官之事。非知道德。何以與焉。吾他日未嘗學問。自修狷缺。然况於治人乎。且吾纔弱冠。自今從政。奚暇得聞道哉。不如辭之。但君之盛意。拒之亦難。敢矣。可謂進退維谷也。沈吟一夜。遂決意。投謝表于憲司而去。至近江。潛居桐原。專攻書典。據朱注。研窮四書。十八年。適小川村。見中江藤樹。問道留學。踰年而還。於是一利適江府求仕。了介與弟愛昌。一成及妹。留共事。母家甚貧。每喫淘粉粥。方冬用紙衾禦寒。了介忍飢寒。刻苦研精。三四年。藤樹倡良知學。

時時諭了介。或恐數口及飢。勸之仕。而了介不屑焉。光政素知其才非常。欲大用之。乃託京極高明。諷旨。於是了介復往岡山。居二歲。充騎馬隊。受秩三百石。軀肥大。漸至於苦起臥。謂遇金革之事。不能捷騎。而可乎。於是一斷肉食。麥飯喫素菜。然寢則單被。每夜半輒起。跣脚出中庭。舞木刀。習擊刺久之。稍抵羸。毀乃止。既而擢番頭。與聞國事。秩三千石。於是了介乃乞貸府庫金若干。一時備軍器。何賠還。國制四疆處部。遣番頭。預當守禦。騎馬隊士二十員。隸之。和氣郡八塔寺村。備播作之界。犬牙相接。國難其守。光政

擇了介當之。了介曰。臣聞處治不怠亂。古者皆土著墾田自備。然今難遽復舊制。聊且效之。以備緩急。乃招浮浪人。各匹馬單槍。令土著便宜地。邊警最備。慶安三年。從適江府。以番頭行國老事。政聲流聞四方。慕道者衆。紀伊南龍公子。以宗室尊禮侍了介。送迎必謹。權臣羣牧來請言。其餘列侯各輩。游門者不可枚舉。大猷公以了介才學大孚于外內也。擬召見。尋遇不諱。弗果。人咸惜之。後光政之適江府也。或從或否。承應三年秋。大水。光政惕若。自反曰。是天儆予也。百姓何辜。宜愍後患。乃命了介。以隄防之事。功成于

今賴之。明曆元年春。大饑。封內民瀕死者殆九萬人。蓋因前年乾溢。於是大發倉廩。賑濟窮困。尙不能給。光政大患之。乃屬諸老長臣議。衆不決。了介進曰。緩議移日。恐餓莩載塗。臣有一計。馳赴江府。哀告天樹君耳。必不空手而歸。光政曰。善。了介乃東。天樹夫人爲乞貸官庫四萬金。易之錢穀。搬運四疆。分給餓者。德施封內。民因蘇息。了介傳二年。光政狩和氣郡木谷。了介躓墜於崖。傷四肢。繇是告休。歎曰。不能跨悍馬。引強弓。武事乃已。於是辭職。性溫良寬弘。喜怒不見於色。平生好客。所屬隊伍士。朝夕盍簪。文論武談。類

析典故。相親猶骨肉。家法最儉。妻子幹旋庶務。曾無
閱牆猜帷之嫌。衣服飲食。泊然亾營。所藏掛軸源義
經高松陣圖一幅而已。宴賓無貴賤用之。告休之後
頗嗜香。燕居無事。靜坐焚之。內子好箏。亦時彈之。夫
妻無他嗜好。同郡寺口為采邑。乃更名曰蕃山。既有
嘉遯之志。光政雖微知其情。然不能強止。又意欲許
之。於是子輝祿為了介後。使襲祿邑。輝祿後增祿
一萬二千石。為支封。復池田氏列侯籍。了介傳、初執
叢語、國事政治豐饒。一年歲饑。了介巡視邦內。到海陸。漁
婦舉案齊眉。悅曰。吾事成矣。叢語、萬治元年。終以疾去。

寓京師。公卿大夫多慕了介學行。幣禮于門者多。右
大臣藤原教輔條一為質首。時易姓名曰蕃山了介。聲
華蓋一世。了介傳、一日乘閒弄笛。適伶人安倍飛驒過
門聽之。可知是了介。歎曰。美哉淵乎。盈而不溢。自非
有道之士。其孰能之。了介傳、叢語、居頃之。或譖了介於所
司代牧野親成。親成信讒猜忌。寬文七年春。遂往吉
野。詠曰。巨乃波留巴。與志能乃也。末廼也。末母栗止。
那黎天固序新連。波奈能許許呂乎。又結廬於城州
鹿背山。有客問曰。先生頃閒否。對曰。吾為善惟日不
足。何閒之有。曰。今日為善。其蹤何見。曰。人苟立心於

義。則盥嗽櫛縱。皆爲進善之地。乃不爾一匡九合。亦復兒戲之美耳。客歎服。了介九年。酒井忠清。板倉重矩傳命。徙了介于明石。明石松平信之之封。因卜居大山寺傍。了介欣然。扁其軒曰息游。門人隨稱之。初寺僧誤聞了介相。備前排佛氏。心憤。欲一面折之。已及見。溫然容貌。大出意表。退歎曰。曷有斯好人而仇吾門耶。是歲。了介歲五十一。精爽不少衰。詢詢誘掖後進。居恒曰。聖人則高而難及。然行一不義。殺一不辜。而得天下。不爲也。於此一事。豈不及耶。此志不固。不可謂君子人。延寶七年。信之移封郡山。了介徙居

矢田山。信之復移古河。本多忠平代之。待遇了介。一准舊。弟子稍益進。妬者愈多。貞享四年八月。有命徙了介于古河。十月。上封事。議政務。大忤旨。禁錮。賴政郭宥議。許携妻。了介既不得時用。於是采輯平日荅問之語。以撰集義和書外書數十卷。學長乎經濟。所論皆特得之見。其餘大學或問。大學中庸。論語小解。易解。孝經解等。皆傳于世。而免園冊子。借名取重者。亦復不少。元祿四年八月。歿。年七十三。了介傳、由井叢語、正雪者。以武學名著一時。光政欲辟之。諮了介。了介曰。臣先當面試。乃往見正雪。從容謂曰。寡君若有聘

足下。則能出仕否。正雪曰。固所欲也。其祿何如。曰。五
千石。正雪曰。敢辭。了介還。謂光政曰。正雪逆心。見乎
色。得一夫而害國家。非謀也。正雪亦曰。嘻。吾衷殆被
彼洞視。不憚久之。續叢語有子四人。長曰右七。襲蕃山
氏。仕備前。次曰左七。復本族野尻。仕松平信之。次曰
武三。襲熊澤氏。仕本多忠平。季曰左四。亦仕信之。女
七人。或作八人皆適他氏。了介傳
泉仲愛。稱入右衛門。了介弟也。仕備前。食祿五百石。
以吏事見重。偶有兄弟爭父田者。相訟獄。光政使仲
愛決之。仲愛命真兄弟於一小室。使與飲食與浴。至

夜分不斷。兄自悔。謂弟曰。今所爭田。偕耘耕何如。弟
曰。固所欲也。以告之。仲愛悅曰。善哉。乃教以連枝不
可相伐。陳以禍福之義。兄弟歔歔而出。遂全天倫。光
政嘗賞仲愛為人曰。古昔君子也。吉備烈公遺事叢語或問人
之道於仲愛。對曰。道者固易也。人以信實為道。所謂
實觀天道可知。自開闢而來。夜乃夜。晝乃晝。弦亦弦。
望亦望。四時轉變。日夜運行。毫莫違。人生其中間。苟
違實理。則得天罰必矣。喪實則人道廢。善識之者為
人云。翁草

野史卷二百五十六終

[Faded text in the right column, likely bleed-through from the reverse side of the page.]

野史卷二百五十七

飯田忠彦 修
男 文彦 訓點
竹中邦香 校

儒林列傳第七

伊藤維楨

伊藤維楨。字源佐。初名維貞。字源七。又改源吉。先世住和泉界浦。高祖道慶。曾祖了雪。祖長之號了慶。本族長澤。居攝津尼碕。養於了雪之家。元龜天正間。攝泉大亂。閭里不靖。遂遷京師。假住近衛南堀河東街。父長勝號了室。有三男。維楨其長子也。維楨幼而沉

深不競。異常兒。甫十一歲。就師。習句讀。初授大學。讀治國平天下章。歎曰。今世亦有知之者邪。既而稍屬詩。出語不凡。衆共歎異。逮十九歲。從父遊琵琶湖。賦詩云。古來云此水。一夜作平湖。俗說尤難信。世傳詎亦迂。百川流不已。萬谷滿相扶。天下滔滔者。應憐異教趨。又登園城寺絕頂。賦詩。皆爲長老所記。時購李延平荅問讀之。熟復不釋。紙爲爛敗。自是覃思于性理之學。專讀性理大全。朱子語類等。日夕研磨。詣其精奧。作無極吟云。本未曾生豈又死。悠悠蓋壤共吾身。有人若問斯心妙。無極一圖是箇真。著心學原論。

及大極論。往善論。皆在二十八九歲間。所居自揭誠修二字。以自警。稍罹羸疾。驚悸不寧。俯首傍几。不出門庭者殆十年。家產爲之蕩然。邑里嗤侮。人無知者。所與語者。特井上養白而已。時儒學未盛。偶學焉者。專以詞賦記誦爲務。講道學者稀。故親舊知識。皆勸爲醫易售。催督甚苛。維楨耳若不聞。千辛萬苦。始得如志。附宅於仲弟。僦居松下巷。讀書。寬文二年。京師地震。遂還家。先是有疑於宋儒之學。乖孔孟之意。考索多年。畧得就緒。乃謂大學之書。非孔氏之遺書。及明鏡止水。冲淡無朕。體用理氣等說。皆佛老之淫辭。

而非聖人之意也。於是始開門戶。接延生徒。來者輻
輳。服其德業。狀行時大高芝山著適從祿。排擊古學。弟
子將爲之辨。維楨曰。爲學之要。虛心平氣。以爲己爲
先。亦何事焉。左大臣藤原公信德大好學。每會諸儒。
令相論難。往復數回。或以詆訂。維楨猶恬然不爭。維楨
傳或恠差異。目以爲狂。群疑衆怫。恬而不問。時年三
十六。始草定論孟等書古義。及中庸發揮等書。又設
同志會。掛孔子像于北壁。鞠躬致拜。退講說經書。相
規過失。又倣許氏月旦評。品第人物。以勵生徒。或私
擬策問。以試書生。設經史論題。以命文。月率爲以常。

狀行延寶元年。京師火。延及書堂。百物蕩盡。維楨唯橐
古義一部而逃。僑居京極大恩寺。維楨先是母里村
氏患膈噎。奉養慎至。引至三年。未嘗懈惰。時細川綱
利。厚聘禮招焉。辭以待養無人。延寶四年。父服闋。始
開講論語。月定三。八日。自是論孟中庸三書。反覆輪
環。終而又始。旁及易。大學。近思錄等書。教授不倦。四
十餘年。講必直明主意。間述己見。務欲爲學者受用
之地。而不研窮末義。述聖賢之言。如述自言。從容饜
飫。不事糲點。聽者竦動。多所警發。名望日隆。達于遠
邇。士庶過京師者。有學無學。莫不願一識面。一聽其

講。叩問道要。質正疑難。虛往實歸。莫不歎服。投刺來見者。著錄凡三千餘人。教導生徒。未嘗設科條。嚴督察。而其及教侯國。訓化邑里者。各成其材。皆爲人所知。平日勸學者。以明道術。達治亂。爲有用之實材。而戒驚於空文。流於記誦。雖一不識字之人。告之諄諄。反覆。唯恐傷其意。聽其言。各有所得。其文辭理平穩。務欲易曉。而不事繁文綺語。時推宗匠。每一篇出。傳播咀嚼。人以爲楷。又創譯文會。以國字換寫古文之秀者。與學者。復之以漢字。視其字之多寡。上下之別。以諳文法。甚爲初學之弘益。貞享中。中津僧道香到。

京師。將歸。請文維楨贈序云。自人視之。固有儒有佛。自天地視之。本無儒無佛。吾道師道。豈有二乎哉。人或疑其混儒佛於一途。後乃云。雖釋迦不能離今日之天地。而獨立則自見儒道之不可離焉。因此膾炙日盛。流布四遠。因對州醫大塔貞安齋。到流朝鮮。彼府使安慎。徵甚歎賞。以爲旨趣固與古人異。文甚絕佳。日本未聞有若許人。携歸國。逮元祿季年。遂達天聽。詔索其文。因兵部大輔藤原貞維以進。士林榮焉。平生未嘗出京師之外。唯南都大坂丹之保津。皆爲門生所招。時或一至。元祿中。因鳥居忠救之招。到。

水口者再聽論說多所歎異後爲撰定其家祖元忠墓碑學專以論語爲主孟子次之以爲論語言教而道在其中孟子言道而教在其中著古義論語每卷首安最上至極宇宙第一八字以致崇重之意門生或言其甚駭聽聞後乃削去嘗言論語孟子爲本經詩書易春秋爲正經其三禮三傳等爲雜經總名之曰羣經而欲爲作總序天和三年稻葉正休巡察到京師爲著語孟字義旣而因長澤純平之請著大學定本專據古本之叙稍加判定云格物本非闕也蓋以入者各得其序爲格物訓格爲正以本文所謂誠

意者特舉一項爲證其述中庸發揮以喜怒哀樂等四十七字本古樂經之脫簡而非中庸之本文其論鬼神已下亦非本書故斷自此章已下定爲下篇辨正甚多名曰發揮其於詩也以爲詩之作皆直叙人情凡悲歡憂樂物情世態皆於是乎寫故讀之則待人而恕接物而寬不徒見勸懲黜陟而已也讀之者皆斷章取義遊戲自在本賦是事也而隨讀者之見識如何而千變萬化不可均一嘗欲著詩傳舉古人引詩者于各章之下以見引詩之活法有志而未果從朱子吳文正之說專取今文以爲古文始出于晉

隋之間。皆後儒掇拾經傳所引。韋昭杜預等。闕爲逸書者。以成非真古文也。今文則伏生所口授。而最可信用也。其大禹謨所云。人心道心等語。本出于荀子解蔽篇。而非舜禹授受之本語。而其大要在知夫子黜無爲自化之說。而專斷自唐虞以下。爲始之意。其於易也。以爲古者易學自有二家。有儒家之易。有筮家之易。彖象文言。字說義理。繫辭說卦。專言卜筮。今日從孔子之教。以易爲義理之書。則當從彖象以見其義。故專據程傳爲主。司馬遷楊雄等諸儒。始以十翼爲孔子之作。歐陽永叔。陸象山。趙南塘等。皆疑之。

維楨亦從其說。以爲彖象之作。蓋先於孔子也。嘗述易凡例。乾坤及文言大象等傳。其於春秋也。以爲直書其事。美惡自見。甚斥公羊穀梁穿鑿之說。專據左氏爲說。嘗作經傳通解。節左氏文。繫之于經。以明其意。其書未成。先儒甚重獲麟之說。諸議紛紜。維楨以爲此公穀二家之脫簡而然。本非大義所繫。五氏所記。獲麟之後。尙有二年經。蓋孔子終身讀書。以至四月之前。遊夏之徒。欲見其夫子之所成。爲記四月巳丑一句也。故哀公一篇。亦作解。其於禮記也。以爲出于漢儒之附會。然間多確言。嘗欲彙而錄之。而未果。

其於天道性命之說。皆專就氣爲言。而未嘗說理也。大要以爲天之有元氣也。猶人之有元陽。自是已上。聖人無其說。故易唯言乾元坤元。而未嘗說其所以然之理也。又謂仁義之智。天下之達道也。惻隱羞惡。辭讓是非。人之本心也。人苟知擴而充之。則得能成仁義禮智之德。此孟子立教之本旨。曰達曰充。皆學者受用之方也。惻隱羞惡等四者。至於仁義之端。本也。非仁義之端緒也。自漢已來。至於宋周子。猶仍其說。至程朱子出。始以仁義爲性。四端爲情。於是體用內外。持敬主靜之說興。而擴充存養之方疎。嘗言天

下莫尊於道。而教次之。性則成道受教之地也。晚年述童子問三卷。以明其意。專述修齊治平之要。最備學者受用之功。又嘗言。聖人因人以立教。不立教以驅人。又言。害於人倫。遠於日用。無益乎天下國家之治焉者。皆謂之邪說。皆謂之暴行。又言。儒者之於王道。猶孫吳之於兵。虛扁之於醫也。人以爲確言。凡纂述之書。逐旋修改。未嘗停手。故其書未嘗刊刻。門人傳錄亦多異同。其於古人。最服范文正公。明道。及許魯齋三人。嘗序魯齋心法而刊布之。以爲有實德而後實材從之云。其爲文專宗唐宋八大家。辭理平穩。

務欲易曉。而文選浮靡之習。李王鈞棘之辭。皆不取焉。在明唯取唐荆川順之。歸震川有光。王遵巖慎中三家而已。其爲詩。專祖杜詩。以爲詩之聖者。嘗愛看鶴林玉露。詩人玉屑等書。又嘗稱桓寬鹽鉄論。以爲其論王道。合於孟子。又曰。陸宣公奏議。真西山衍義等。嘗皆有益於治道。性資寬厚和緩。人不見疾言遽色。不設城府。不修邊幅。未嘗爲古恠遷僻矯激之行。以取駭異。人無少長。接之以誠。無厭怠之色。及其大義所關。雖誘之以萬鍾。而不可奪也。常好書字。而未嘗摸臨法帖。每旦晨起。先憑几。亂書楷艸數紙。家人

促餐頻頻。而始罷。率以爲常。間遇適意。或賦和歌。眞率遣興。不要巧緻。常值天氣明媚之候。拉子弟三數輩。杖履倘佯。吟詠而歸。家本寒薄。伏臘難支。維楨居之。晏如也。行狀或歲晚。不能買糶。亦曠然不以爲意。妻緒方氏進曰。家道育鞠。未嘗爲不堪。而獨其不可忍者。孺子原藏。未解貧爲何物。羨人家有姿。連求不已。妾雖口能謙詞之。腸爲斷絕。言訖泣下。維楨隱几閱書。一言不爲之荅。直卸所著外套。以授妻。國俗立春前。一夕。撒炒豆。呼曰。福內鬼外。維楨必著禮服。行之。叢語儉素自收。不求贏餘。非不求仕也。而不爲求仕

之計。非不避禍也。而不爲避禍之謀。毀譽得失。一不介懷。嘗題壁云。天空海濶小茅堂。四序悠悠春色長。笑殺淵明無卓識。北窓何必慕羲皇。又遇新正詩云。家本十餘口。既無尺寸田。幸逢太平日。自免米鹽蠲。道以唐虞準。學從鄒魯傳。眼前兒女侍。萬事醉陶然。囂囂自得之境。蓋如此云。號仁齋。又號古義堂。堂前有海棠一株。因又號棠隱。堂前以下人物志一日大石良雄來侍講筵。睡如不聽。衆皆匿笑。維楨曰。小子勿妄謗。以予觀彼。非庸器。必能堪大事。後果然。嘗謂諸葛孔明。霸者之臣耳。豈王佐之才乎哉。或問曰。子當路于

蜀。則孔明之功。可復許乎。對曰。人各有能。我不能爲孔明。孔明亦不能爲我。古之宰相。有以半部論語治天下者。我亦將以孟子梁惠王一篇治天下也。其立志如此。一日以下從楨維傳所著論孟古義十七卷。中庸發揮。大學定本。周易乾坤古義。各一卷。語孟字義二卷。童子問三卷。文集三卷。詩集一卷。春秋經傳通解。日札極論。讀近思錄抄。寶永二年三月歿。年七十九。私謚曰古學。行狀維楨風格清貴。容止可觀。所司代某遇諸途。以爲王人。乃下馬而行。搢紳或稱曰仁齋先生。大納言以上品格。續叢語有子五人。長曰長胤。次曰長英。

次曰長衡。次曰長準。季曰長堅。行狀、碑銘
長胤。字原藏。或作元藏。號慥慥齋。又自號東涯。資稟異群。甫三四歲。能知字。長而博學強記。最善屬文。爲世所稱。孳屹種學。淳潛塗浸。人莫能測。沉靜寡默。恭儉謹慎。口不言人短。不事表襮。不設防畛。終身不仕。講學於家。剖析經義。蠶絲牛毛。然未嘗強以語人。而就問者日衆。無佻嗜好。祁寒暑雨。未嘗手釋卷。每有所得。則輒筆之。故其書滿家。既稍上梓。文集三十卷。以元文元年七月歿。年六十七。墓碑銘。私諡曰紹述。人物志、墓碑銘。一日過二條巷。會藥囊有遺街頭。令書生拾撫之。中

有金數十兩。顰眉謂無載籍。難爲奈何。乃還家。置諸神棚。迨歲晚。託金子御師。納太神宮。蓋納宗廟之謂也。時人傳。子善韶。字忠藏。號東所。亦不墜家聲。文化元年歿。私諡條成。子弘美。嗣。字延藏。號東里。私諡恭敬。弟弘濟。嗣。或作弘美。實長胤。二稱。字壽賀藏。爲人溫厚謹慎。沈默寡言。天保戊寅冬。幕府命曰弘濟。父祖五世。以教諭爲任。有政之施。想當有瓜瓞之綿。世所希觀。其永除戶役。年資銀以表積善。弘化二年歿。年四十七。私諡靖共。弘濟墓碑銘。長英。字重藏。號梅宇。初釋褐于德山。未幾退居京師。

享保中仕福山士庶各從學焉。朝鮮使成書記寄書乞遺言。贈以童子問。正德中與朝鮮李學士唱酬累幅。詞鋒不鏗。爲人魁梧健談。寬厚接人。文淵韓歐詩原。李杜常愛。陸務觀集。講習不倦。經史自娛。鑽研考訂。老而彌篤。號齋曰相遺窩。所蓄蓋可知。延享二年十月歿。年六十三。私諡曰康猷。子輝祖嗣。梅字碑銘長衡字正藏。號介亭。仕永井氏。爲人質直純茂。其弟年尙弱。或遊蕩宿乎妓樓。晨歸。思長衡已起在堂。入戶呼曰火。長衡乃乘屋。因得入室。後數以爲常。奧田士亨謂長衡曰。先生屢陷令弟術中。則何。對曰。予固

知其詐。雖然萬一實火則奈之何。長衡夙喪怙。孝於母。及于兄。母性怖雷。異爨而後。每雷鳴。不論晝夜。匍匐往省焉。叢語池大雅工指畫。嘗爲人作之。長衡在坐。賞嗟久之。曰。窮鄉僻邑。乏筆之居處。亦復可寶也。大雅聞之大慙。終身不爲此技。續叢語長準字平藏。號竹里。仕久留米。長堅字才藏。號蘭嶼。昆弟相並。繼父業。世稱曰堀川五藏。長堅仕紀伊。始講書於君前。對案不說。侍臣數促之。徐對曰。公坐褥。聖人之書。不可濫說也。侯聞之。遽撤褥。尤長爲講說。音吐朗揚。辨論明爽。侍坐者咸

歎曰。真儒也。續叢語

野史卷二百五十七終

野史卷二百五十八

儒林列傳第八

江村宗具

木下貞幹

室直清

北村可昌

竝河亮

江村宗具。號專齋。又倚松菴。居庭有古松十餘株。故

飯田忠彦 修
男 文彦 訓點
竹中邦香 校

爲號。時人傳曾祖孝與。稱民部大輔。在三石城。既聞別所長治據三木城。失守。知叵防禦。竊棄城。奔京師。隱居新在家。混蹤市井。慶長癸卯年歿。祖榮基。稱備前守。與父俱寓居。父既在。先哲叢談後篇好和歌。聯歌。聞香。有名。太閤秀吉屢召問香道。宗具幼在新在家。初志學業。十五歲。歷遊京師。學醫於法印德巖。又自攻濂洛學。遂以儒道事肥後加藤氏。食秩五百石。或作加藤清正卒而辭祿。寬永中。仕美作森忠政。聘以賓師禮。饋月俸七十口。自少壯務爲修養。齒過九十。視聽不衰。好詠和歌。兼精其說。與細川幽齋。木下長嘯交。逮寬文四年。

齡充百歲。元旦口號和歌三首曰。毛毛登勢珥。那流末傳。宇惠數差牟加羅數。美知安類彌與乃。美知耳比可禮天。日難邇母勢出。美努以多鬪良仁。寸疑之由惠。計布毛毛斗世乃。波留仁阿布可南。日毛毛止齊母。奈保安幾太羅珠。游久守衛乎。於母不許許呂曾。毛能和樂斐南類。是年九月。叢談續編作七月後水尾上皇徵問修養之術。奏曰。居常唯持一些字耳。喫食者些。飲者些。每事皆用一些一字。無他術。上皇嘉稱。賜鳩杖及絹菓酒。蓋管錄時人傳以賜杖字名講堂。叢談續篇是月。前庭松樹下。生松草數莖。人以爲奇異。以二十九

日病歿。叢語、剛齋行實、專齋與伊藤坦菴友愛殊渥。坦菴少於專齋。五十八歲。不以後進視之。常稱吾畏友。坦菴深服專齋之爲人。傾心推奉。嘗記專齋平旦譚話數百條。題曰老人雜話。叢談後篇、有三男。長曰宗覺。字斯民。號好菴。性不好學。次曰宗珉。季曰宗祐。字惠夫。號愚菴。宗珉字友石。號剛齋。一號全菴。年甫十四。習書法于僧秋澗。成童而受業於那波活所。寬永十二年。應青山幸成招。正保九年。有故移病致仕。還于京師。紀伊南龍公子使人來聘。賜以祿五百石。固辭不就。慶安三年。或作四年、後光明天皇使左大臣藤原尙嗣近衛

召爲侍講。固辭。後屢使權大納言藤原資忠勘解由小路傳敕。評御製詩文。天皇垂示睿藻。使錄其言。萬治三年七月。患泄瀉歿。年五十四。剛齋幼而穎敏。及長博通經典。涉獵諸子百家之言。又善醫。好書法。不媚權貴。不拘時俗。居家孝悌。處朋忠信。行實、子簡字易從。號毅菴。爲青山氏文學。有二子。長曰棕悟。本名友精。字子清。號節齋。或作名棕實字若虛、次曰如圭。初字子通。改希南。並有才名。皆先歿。養伊藤龍洲次子綬爲嗣。綬字君錫。號北海。弱冠始讀書。研窮特至。仕青山氏。任吏事。後致仕。歸京師。自憾冒他姓。非古之道。不敢



以儒自名。以詩文名著。一時所著日本詩選。日本詩史。樂府類。懈蟲諫等書。又有詩文集。叢語木下貞幹。字直夫。順菴。錦里。敏慎齋。薔薇洞。皆別稱也。姓平氏。彌平兵衛宗清之後。子孫世住伊賀柘植。因爲族稱焉。祖父某移居京師。改族木下。父意春有五男。貞幹實次子也。生而岐嶷。五六歲。讀書學字。聰明卓犖。異常兒。鄉閭稱其俊逸。旣而作詩屬文。往來于搢紳家。題詠頗多。亦與五山僧侶爲方外交。皆嘆奇才。僧天海一見奇之。欲以爲法嗣。不肯。僧天海而下。續叢語。十三歲。紳書作十四歲。賦太平頌。呈權大納言藤原光廣。烏丸

因達。後水尾天皇。世以爲國瑞。後光明天皇大稱賞。將錄用。會宮車晏駕。不果。後受業於惺窩門人松永昌三。昌三有避出一頭之嘆。門友貝原損軒。安東省菴。宇都宮遜菴。皆推爲先達。以矜式。夙興夜寐。勤苦磨礪。學業大進。弟子彌衆。嘗陪柳生宗矩。遊江府。道不合。決然拂袂而歸京師。屏蹤讀書。幾二十年。聲名達四境。當是時。權中納言前田利常。好學樂善。殆有河間東平之風。遍招天下名儒。講書論文。聞貞幹名。欲聘。辭曰。余尺五先生門人也。今其子見在。請先聘焉。利常美節義。聘貞幹。嗣聘松永永三。嘉嘆

曰。有古人之風。初貞幹出而仕。定居於京師。陪從江府。往北道。氈席不暖。往來絡繹。在江府。執政酒井忠勝請見之。貞幹賦律呈之。列侯欲接見者多。皆辭不往。幕府每有選舉。必以貞幹爲首。常憲公之立。特召入侍。無幾。令修國史。書成而上。賚賜褒其勞。爾後公親講周易。每令貞幹侍坐。夏必賜以綳絺。冬必賜以綿襖。曾命貞幹講中庸。數令近臣勞。年老不忘傳奉。而貞幹耿耿丹心。常憂報恩日淺。其在殿也。終日整肅嚴齊。如不容者。其在家也。雖燕居私室。恒盛服端坐。人望之敬畏。天資至孝。事父母致其志。極其養。友

愛兄弟。共被連床。父母歿。行三年喪。撫育兄弟子。猶已出。使役奴隸。慈惠有恩。配偶先亾。後不再娶。孤枕獨衾。如野僧然。平生無嗜欲。食必淡泊。服必黃白。元祿十一年十二月。病歿。年七十八。遺囑以孝經一卷。相隨。門人私謚曰恭靖。有二子。長教簡。先歿。次寅亮。錦里小傳。叢語。寅亮字汝弼。稱平三郎。晚號春齋。嗣事加賀。年七十八而歿。私謚貞簡。貞簡墓記。室直清。字師禮。一字汝玉。小字順祥。號滄浪。命齋曰靜儉。江府人。其先出自丹治氏熊谷直實。直實女子直秀。直秀始食邑於備中英賀郡。稱族室氏。蓋因地

名也。高祖某稱大和守。曾祖某字孫三郎。相繼仕尼
子氏。祖某亦字孫三郎。仕尼子氏。後仕宇喜多氏。父
玄樸。號草菴。以剛直不遇於世。適攝津。遂徙居武藏。
生直清于谷中。直清小字孫太郎。幼而聰悟。有老成
之風。寬文十二年春。參議前田綱紀召講大學章句。
時年十四。綱紀嘆曰。真英物也。乃祿之。令就學京師。
有神童之稱。又遊木下順菴之門。順菴每稱曰。師禮
忠信篤敬。有志聖學。吾益友也。稍長。慨然以道自任。
於功名富貴無一動其心。泊如也。又從羽黑成實學。
成實之學出於山崎闇齋。以故滋明經義。貞享三年

夏。遷加賀。改稱新介。元祿中。直清在加賀。得永氏廢
宅在城西者。買而居焉。號鳩巢。士庶皆矜式。奇材偉
器。往往出其門。著大學新疏。發明章句之蘊。又著義
人錄。正德元年三月。以新井君美薦。文昭公辟爲學
職。適朝鮮人來聘。受命與學士李礪等。唱和于客館。
時君美寵遇尤盛。政事悉決君美。盛名赫赫。士衆翕
然推之。直清寄書誠焉。無幾公薨。君美遂不終其志。
正德三年春。賜邸于駿河臺。稱以駿臺。有德公繼。統
領高倉館教授。府下翕然嚮慕。受業者日衆。擢爲侍
講。公屢咨詢政事得失。此職之設。蓋始于此。享保七

年三月。特召招講。尙書。迄九年秋。屢引見。講貞觀政
要。嘗受命。疏五倫五常名義。記以國字。述六論衍義
大意。府命鏤之。布天下。直清嘗著論孟中庸及易經
廣義。未及考訂。罹災而亾。復感末疾。不能重屬稿。陳
疾乞老者再三。優命不允。猶帶職名。家居以頤養爲
事。每吟上蔡詩云。透得利名關。方是小欲處。人喻得
此句。則終身可以無憂矣。日夜研窮典籍。未嘗休止。
疾痛之甚。人所不能堪。而處之裕然。略無戚容。患伊
藤仁齋荻生徂徠之徒。妄非毀程朱。敢肆其邪誕。而
無忌憚也。嘗曰。大廈之傾。非一木所支。然而辨別邪

正。明章真僞。使學者莫迷所歸嚮。此吾志也。其不信
於今。必有傳於後乎。於是著駿臺雜話。時學風漸變。
橫議載路。詭譎儉薄之言。聳動人聽。舉世靡然。淳風
幾息。以故直清謝絕生徒。掃迹自守。蓋得否享之道
矣。然有篤志來請者。不復甚拒。力疾指教。諄諄乎。各
因其材而篤焉。著太極圖述。弘闡精微。俟後學乎來
世。是先生之絕筆也。鳩巢集行狀直清堅守朱學。深惡
當世好立異說者。以維持名教爲己任。與徂徠之徒
互相輕。平金華一日來見。出其得意文一篇。視之。且
求刪正。直清讀一過。稱善。強乞正。乃削二十字。更增

卷之五十八

五字。金華不憚而去。明日質諸南郭。南郭不得決焉。質諸徂徠。徂徠視直清所竄改者曰。如此而後成文。於是其徒始重直清。又有文集後編補遺合四十二卷。享保十九年八月歿。年七十七。叢語。子洪漢字孔彰。

繼父業。仕幕府。鳩巢傳

北村可昌。字伊平。號篤所。近江野洲郡北村人也。學

伊藤仁齋。住京師。嘗靈元上皇聞其篤學。有勅。

賜北面氏族。召洞宮問學。可昌不欲更族。固辭。殊

賜儒服儒巾。徵之。乃起應徵。講書於洞宮。會病。

上皇遣權大納言藤原韶光。勘解由小路。賜人參及中山

銘硯。時人傳。享保三年歿。年七十二。叢語

竝河亮。字簡亮。其先相馬氏族。當足利氏之季。六世祖宗定。舉族家于丹波並河邑。遂族焉。迨惟任光秀受封于丹波。從之。完其邑。光秀也。仕豐臣氏。曾祖宗久。祖宗利。父宗彌。三世徙居山城烏羽鄉橫大路。宗彌字小二郎。號儉齋。資性至孝。其兄某不長於幹理。家業稍衰。宗彌出力經營。業得復舊。繼父家。而後有近邑講書者。聞論語直躬之章。遽曰。苟為人子。露父陰事。是何得為直乎。而逮聞夫子之語。撫掌嘆曰。是矣。嗚呼聖人哉。北窓叢談續叢語。並作令二子。今從儉齋行狀。儉

四十四

齋自少不溺於老佛。常曰。地獄天堂。皆妄說耳。體魂解而神即消。譬之膏薪盡而火光燿。豈有神魂獨留。而受天堂之快樂。與牛頭馬頭之呵責哉。凡人之居於世。上而治其民。下而事其上。士農工賈。各勤其力。以相濟斯世而可也。今廢五倫。厭離人世。游手無業。執空虛無實之說。以誑取生民有用之衣食。釋氏之謬甚矣。屢與僧徒論辨。及疾革。一老族又來看。此人極信佛。儉齋作佛語。屈指曰。地水火風空。五行內謂之地。津液謂之水。溫熱謂之火。呼吸謂之風。而心思屬之於空。四大耗盡。而空隨而散。此理昭然。子其勿

惑。作和歌曰。宇麻禮幾氏。與爾阿流保止波。苦耶羅久耶。伊萬與利能知波。羅久母苦母奈之。家僅中產。而喜調人之急。雖貸而有不能償者。亦不敢責也。為人謀事。必盡其力。元祿中。行新檢之法。其法不少利。于大農。而甚利于下農。故大戶皆以為患。儉齋獨喜曰。仁政也。而未徧行。乃論得失。令亮記焉。寶永二年。歿。年六十九。儉齋行狀。子永。次乃亮。次尚義。初名宗孝。仕鳥居氏。儉齋墓銘。永字宗永。後改尚永。稱五一居士。別號誠所。歷仕懸河河越等城主。既而去居江府。教授。為人恭儉而寡欲。端整而豁達。接人無貴賤親疏。群居

笑語。能面折人。見人有一善。大喜。至爲之感泣。苟非其義。振衣去之。若將浼焉。人慕而憚之。友人相戒曰。毋乃爲五一翁所讓乎。構一樓于豆州三島。蔬食菜羹。泊如也。資性强力。手不釋卷。殆忘寢食。老而不衰。而與亮及尙義。師事仁齋。後與友人關祖衝。慨國朝無地志。發憤修之。草河內志。而祖衝病歿。永欲繼而成之。慮其非躬履。不能得實。非官命。不能詳致。因乞諸府。府輒許之。於是歷廻五畿。不避艱險。尋古蹟。探名境。多所表章。出入六年。而輿地通志。畿內部六十一卷成。上之。元文三年歿。年七十一。多病。無嗣。誠所家傳

亮爲人天資聰明。寬洪容物。志氣豪邁。果毅有謀。表墓與兄永就學仁齋。年二十六。與共論經義。竟發明自悟。然師事仁齋。歿世。毫弗懈。遺囑子弟曰。勿遺伊藤氏。叢談。應松山室老請。著松山晤語。謂不能治其郡邑。以不脩身也。非坐禪衲於褥上。如護鼻端白矣。仁齋沒後。門人相分。有從東涯者。屬亮者。叢語。一日門生謂亮曰。師如得志。則如我何。一書生在側曰。若我守倉廩。雖一粒。爲賊不所掠奪。亮曰。子何能矣哉。生變色曰。師以僕爲盜乎。亮哂曰。有盜才者。以可能。汝爲人所盜矣。東涯論亮曰。才智絕倫。不可託六尺之孤。或

告之。亮點頭曰。東涯知我者也。自奪者叵謀。唯爲人不可見欺。東涯其反之。又詠歌曰。迦須味計里。差寸我。珉波留止。志羅登里。乃斗婆波耶末都波。時人傳。由幾解那俄羅斯。傳。人初學仁齋。盡窮其說。然若仁義性情之解。不能無所疑。於是發憤日夜研窮。欲自得孔孟之正旨。察之應事接物之際。觀之起居語默之時。就實商量。始得其真。其言曰。四端之心。卽仁義禮智。仁義禮智。卽四端。非四端之外。別有仁義。自其與生俱生而言之。則謂之性。自其情實無僞而言之。則謂之情。自其以思爲職而言之。則謂之心。其實一

也。學者必欲指其孰爲心。孰爲性。爲情。何不思之甚也。墓表。亮爲人志氣剛決。以經濟爲志。每稱聽訟吾猶人也。必也使無訟乎。及如有用我者。吾其爲東周乎。苟有用我者。期月而可也。三年有成。數語曰。此聖人才德之本領也。奮然爲己任。天資開朗果斷。志氣豪爽。平居講窮經世大體。討論致治要道。皆原之於語孟及尙書。以發露聖人之業法。叢語。初壯也。丁父母憂。通喪六年。享保三年。疾歿。年四十。嘗語門人曰。凡天下之事。皆以名責實。故名不可不慎。吾雖講經典。而不欲得村夫子之稱。若揭名榜。吾謂天民者乎。故門

野史卷二百五十八終

人私謚曰天民。叢語表嘗好古樂。著問襄錄一篇。又好


兵書。善言軍機。後嗜醫方。窮本草。專宗仲景。徧及百

家。奇方妙劑。莫不搜求。行狀師事仁齋。發明古道。兄

永往復論難。終幡然從之。亮先歿。永讚述其義。著疑

評孟字義。又為輯其遺言。總名天民遺言。永平常慨

神道家多失舊義。作中臣祓旁觀。皆行于世。誠所傳



野史卷二百五十八終

